

(清) 孫星衍 輯

平津館叢書

鳳凰出版傳媒集團
鳳凰出版社

秦誓第廿九 周書廿 尚書今古文注疏卷廿九

賜進士及第授通奉大夫山東督糧道加三級孫星衍撰

注史遷說三十六年繆公復益厚孟明等使將兵伐晉

渡河焚船大敗晉人取王官及郃以報殽之役晉人皆

城守不敢出於是繆公乃自茅津渡河封殽中尸爲發

喪哭之三日乃誓於軍中曰

疏史記說見秦本紀封者杜氏注左傳云埋藏也

案左傳作誓在晉襄公釋歸三帥之時書序則云還歸

之後史公以爲在敗晉人報怨之後者白虎通號篇以

邦之榮懷知秦穆公

之霸是今文說也

公曰嗟我士

注

史遷士作士卒鄭康成曰誓其羣臣下

及萬民獨云士者舉中言之聽無譁予誓告汝羣言之

首疏

秦伯稱公者白虎通號篇云伯子男臣子於其國中褒其君為公何以為諸侯有會聚之事相朝聘

之道或稱公而尊或稱伯子男而卑為交接之時不私其臣子之義心俱欲尊其君父故皆會臣子得稱其君為公也何以知諸侯稱公尚書曰公曰嗟秦伯也嗟當為警隸省文譚者說文謹譚轉注首者釋詁云始也鄭注曾子問云本也史公士作士卒者以此時誓于軍中也鄭注見書疏云誓其羣臣下及萬民者周禮小司寇掌外朝之政以致萬民而詢焉一曰詢國古人有言危敗殽即為國危故當為告羣臣及萬民也

曰民訖自若是多盤責人斯無難惟受責俾如流是惟

艱哉

疏民者詩靈臺疏引孝經援神契云冥也鄭注呂刑亦同訖者釋詁云止也若者釋言云順也盤

者釋詁云樂也俾者釋詁云使也此述古訓言民冥無知止以自順是為多樂耳然責人此無難惟受責于人

如流之順
是惟艱也
我心之憂
日月逾邁
若弗云來
云一作員

逾者高誘注呂氏春秋云益也邁者釋言云行也云

員言我心之所憂日月益行如弗旋來言悔過如不及

也云一作員者書疏云員卽云也則今經作云後人所

改正學記聞云周益公曰唐賦多用員來讀秦惟古之

誓正義知今之云字乃員之省文益公名必大

謀人則曰未就予忌惟今之謀人姑將以爲親詩傳

云故也廣雅釋詁云始也忌者說文云憎惡也姑者詩

傳云且也言惟始之謀人則以未就予而憎惡之惟

近之謀人且將以爲親附悔不聽故舊之言也說文有

憖云毒也周書曰來就憖憖蓋卽此文未就予忌未來

形相近忌憖聲相近春秋左氏定四年傳云憖問王室

注云憖毒也釋義憖音忌詳其義或謂來就予而反毒

之廣雅釋詁謂毒也義與忌相近憖衍一重字或

脫予字詩人謂楚叔等今之謀人謂杞子也据春

穢左氏僖世十二年傳諫穆公襲鄭以為勞師襲遠者
為蹇叔公羊穀梁則蹇叔與百里奚同諫秦本紀同左
傳言蹇叔之子與師哭而送之公穀史記皆云蹇叔百
里奚同送其子而哭之左傳載三帥之名為百里孟明
視西乞術白乙丙史記以孟明視為百里奚子西乞術
白乙丙蹇叔子左傳疏引世族譜云姓百里名視字孟
明百里奚之子譜又云或以西乞術白乙丙為蹇叔子
則此經古之謀人下文詢茲黃髮番番良士一个臣皆
兼指蹇叔百里奚二人言也又左傳杞子自鄭使告于
秦曰鄭人使我掌其北門之管若潛師以來國可得也
雖則云然尚猷詢茲黃髮則罔所愆在史遷說為古之

人謀黃髮番番則無所過云一作員愆一作讐

疏尚者

云庶幾也詢俗字當為恂釋詁云謀也黃髮者詩南山
有臺云遐不黃耇傳云黃黃髮也疏引舍人注釋詁云
黃髮老人髮白復黃也愆同讐釋詁云過也言雖則言
親今之謀人庶幾猶謀諸黃耇則無所過也史公詢作

謀因作無愆作過皆釋詁文漢書韋賢傳李尋傳注師
古引秦誓俱作雖則員然李尋傳注愆作譽从籀文新
序禪事篇引書曰黃髮之言則無
所愆北堂書抄諫諍部引作愆
我尙有之疏音近瞻說文云瞻老人髮白貌也江氏
番則無所過以番番屬于黃髮則番番爲老人狀貌僞
傳以番番爲勇武非也史記正義云番音婆字當作番
幅白頭貌良者詩傳云善也旅卽齊省文說文云呂春
骨也或作齊廣雅釋詁云齊力也王氏念孫云齊力一
聲之轉尙者詩箋云猶也下尙不欲同義與上文尙猷
詢茲黃髮下文亦尙一人之慶三尙字不同詁也言番
番然白頭之善士旅
力旣過我猶有之
仡馬融作訖曰訖訖無所省錄之貌疏仡者說文云勇
壯也引周書此
文漢書李尋傳云秦穆公任仡仡之勇公羊宣六年傳
云祁彌明力士也仡然從趙盾而入何氏注云仡然壯

勇貌俱與此經義同言壯勇之夫射御不違失我尚不欲其如是江氏聲云春秋左氏僖三十三年傳云秦師過周北門左右免胄而下超乘者三百乘王孫滿觀之言于王曰秦師輕而無禮必敗輕則寡謀無禮則脫入險而脫又不能謀能無敗乎此誓追悔成鄭之事則勇夫即謂超乘者違者後漢書注云失也廣雅釋詁云離也馬注見釋文云無所省錄者漢書董仲舒傳集注云錄謂存視也蓋言其恃勇無知不能有所省察存視也

惟截截善諛言

注

馬融諛作偏曰截截辭語截削省要

也偏要也辭約指明大辨佞之人截一作諛諛一作諍

又作誤俾君子易辭我皇多有之

注

辭一作怠皇一作

況

疏

截截者說文有諛云善言也又云諛巧言也引周書曰截截善諛言論語曰諛佞今論語諛作便鄭

注云便辨也謂佞而辨是截截善諛言為便巧辯佞之言也說文又有莛云莛賊也引周書曰莛莛巧言蓋說

文用孔氏古文亦兼取今文故兩引之也公羊文十二年傳作譏譏注云譏譏淺薄之貌越語范蠡曰又安知是譏譏者乎注云譏譏巧辯之言李尋傳亦云穆公說譏譏之言截與菱譏俱聲相近廣雅釋訓云譏譏善言也公羊傳編作輝注云輝猶撰也楚辭劉向九歌云譏人譏譏注云譏譏譏言貌引尚書譏譏靖言偏釋文云又作譏聲與菱譏亦相近靖善亦巧也易辭公羊作易怠皇公羊作況云俾君子易怠而況乎我多有之注云俾使也易怠猶輕情也易者廣雅釋言云輕也說文辭从台籀文與怠聲相近史記三王世家齊王策云義之不圖俾君子怠與公羊同無逸云無皇曰又云則皇自敬德漢石經皆作兄詩桑柔倉兄瑱兮義作況則此言淺薄巧言之人使君子輕忽惰廢我況多有之況益也馬注見釋文云載載辭語截削省要偏要也辭約指明者就偏字望文生義然則馬所據古文又作偏也云大辯佞之人亦與諸儒義同此多有之及上尚有之王氏念孫云有之謂親之也春秋左氏昭二十年傳云是昧不有寡君也杜注云有相親有也自悔其親佞人也昧

味我思之如有一介臣注馬融曰一介耿介一心端慤

者如一作若斷斷猗注斷一作韶猗一作兮無他技注

他一作它其心休休焉注鄭康成曰休休寬容也其如

有容注味味者廣雅釋訓云暗也思者公羊傳云惟一

思也能而通字而即如也江氏聲云秦本紀云以申思

不用蹇叔百里奚之謀故作此誓則味味我思者自謂

思此一介臣偽孔以此文屬上讀云我前多有之以我

昧昧思之不明故也詳玩經文實不然大學引此經如

作若者釋言云若如也介釋文云字又作介大學引此

經釋文作介正義本作介介即介字別體也說文云斷

古文作韶引周書云斷斷猗無它技又曰劓亦古文廣

雅釋訓云斷斷誠也猗作兮見大學他作它見後漢書

謝弼傳注引此文大學釋文亦作它何氏注公羊云一

介猶一概斷斷猶專也他技奇巧異端也休休美大貌

能含容賢者逆耳之言則此言如有一概臣其心專一
無他技巧其心休美寬大如有所容納也馬注見釋文
云一介耿介者楚辭離騷云彼堯舜之耿介注云耿光
也介大也是耿介為光大也云端慤者端直慤愿俱見
前疏鄭注見大學釋文以休休為寬容貌者人之有技
何氏注公羊云休休美大貌大即寬容之義
若已有之人之彥聖彥一作盤其心好之彥者釋
士為彥詩疏引舍人注云國有美士為人所言道也
大學注云彥一作盤盤大也聖者洪範云睿作聖
啻如自其口出是能容之是一作寔以保我子孫
不啻不但也見前無逸疏鄭注大學云若已有不啻口
出皆樂人有善之甚也是大學作寔釋詁云寔是也保
者釋詁云安也言人之有技藝如已有之人之有美譽
通明者其心好之語時不但如自其口出言語不盡好
之以意也寔能容納
黎民亦職有利哉職一作尚
之以能安我子孫

黎者鄭注大學云眾也釋詁文職者釋詁云主也大學引作尚高誘注淮南云尚主也論衡刺孟篇云尚書曰黎民亦尚有利哉此今文尚書讀也偽傳以子孫黎民連讀

人之有技冒疾以惡之

人之彥聖而違之俾不達

冒一作媚達一作通

鄭注大學云媚妒也說文云媚天妒婦也疾與嫉通說文云妒也或作嫉又云妒妒也鄭注大學云違猶展也俾使也佛戾賢人所為使功不通于君也俾使始危皆釋詁文大學達作通通達說文義也違者曹大家注幽通賦云恨也是不能容以不能保我子孫黎民亦曰殆義亦相近

哉

疏

殆者鄭注大學云危也釋詁文

邦之杌隍

注

杌一作阮曰由一人

邦之榮懷亦尚一人之慶

疏

杌俗字說文作阮引見隍下云隍危也班固說不安

也周書曰邦之既隍讀若虹蜺之蜺又云阮石山戴士也榮者韋昭注晉語云樂也懷者釋詁云安也慶者詩

傳云善也尚者高誘注淮南及廣雅釋詁皆云主也言
邦之不安爰自一人爲之邦之樂安亦主一人之善俱
自責也白虎通號篇云尚書曰邦之榮懷亦尚一人之
慶知秦穆公之霸也班氏据此經文知秦穆公之霸是
謂榮懷之言當在敗晉報怨之後則是今文說與史記
同義也

秦誓第廿九終

書序第卅上

尚書今古文注疏卷卅

賜進士及第授通奉大夫山東督糧道加三級孫星衍撰

注

史遷說孔子因史文次春秋紀元年正時日月蓋其

詳哉至於序尚書則畧無年月或頗有然多闕不可錄
故疑則傳疑蓋其慎也又說孔子序書上紀唐虞之際

下至秦繆編次其事馬融鄭康成皆曰書序孔子所作

疏

史公說見三代世表又說見孔子世家以序爲孔子
作者漢書藝文志云書之所起遠矣至孔子纂焉上

斷于堯下訖于秦凡百篇而爲之序言其作意儒林傳
云孔子奸七十餘君自衛反魯究觀古今篇籍于是敘
書則斷堯典劉歆移博士書說亦同是兩漢諸儒皆以
書序爲孔子所作也史公云序尚書則畧無年月者虞

夏書無年月云或頗有者商書有成湯既沒太甲元年
 周書有惟十有一年武王伐殷二條是有年月也云然
 多闕者謂其餘皆闕文不可錄也漢書歷律志引三統
 或有年月與史記不同至竹書紀年及皇甫謐帝王世
 紀所載甚詳不知何據故史記三代世表自共和以來
 始有甲子也云上紀唐虞之際下至秦穆者卽今書起
 堯典訖秦誓也云編次其事者今書序之次今古文或
 不同馬鄭又異鄭于成王征序注云此伐淮夷與賡奄
 是攝政三年伐管蔡時事其編篇此未聞則書序非孔
 子舊編之次也史記所載書序有大戊篇目今本脫之
 而僞傳以女鳩女方爲二篇以就白篇之數非也當并
 二篇爲一增大戊馬鄭說見書疏知孔子所作者疏以
 爲依緯文而知之釋文云馬鄭之徒百篇之序總爲一
 卷書序云作序者不敢廁于正經故謙而聚于下今僞
 孔傳以此序散入經中
 各冠諸篇非舊式也

虞夏書

昔在帝堯

注

鄭康成曰書以堯為始獨云昔在使若無

先之典然也聰明文思光宅天下將遜于位讓于虞舜

注

鄭康成曰堯尊如故舜攝其事作堯典

注

鄭康成曰

舜之美事在于堯時

注

鄭注俱見書疏云書以堯為始

五帝尚矣然尚書獨載堯以來史公意與鄭合也云使
若無先之典然者楚語中叔時曰教之訓典注云訓典
五帝之書是堯已前書有名典者此始自堯故云無先
也云堯尊如故舜攝其事者嫌堯得舜即遜位不為天
子故釋之孟子萬章篇云堯老而舜攝也又云堯崩三
年之喪畢舜避堯之子于南河之南是則堯在時舜未
即真則堯為天子如故也故云堯尊如故堯典文自曰
若稽古至陟方乃死今古文同今正義本以慎徽已下
為舜典始自
偽孔傳也